

1971

1607

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za obrazovanje,  
nauku i mlade



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за образовање,  
науку и младе

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/05-38-23146-89/19  
Sarajevo, 10.07.2019. godine

## SKUPŠTINA KANTONA SARAJEVO

n/r Elmedina Konakovića, Predsjedavajući Skupštine Kantona Sraajevo

-ovdje-

**PREDMET:** Odgovor na zastupničku inicijativu, broj: 01-05-23146-89/19 od 24.06.2019. godine, *dostavlja se*

Zastupnik u Skupštini Kantona Sarajevo Damir Marjanović, na Devetoj radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, je podnio sljedeću zastupničku inicijativu:

### ZASTUPNIČKA INICIJATIVA

„Da se odmah pokrenu aktivnosti glede priprema izmjene zakona o visokom obrazovanju, sa posebnim osvrtom na:

- a) Članove 53 i 59 postojećeg Zakona, u cilju omogućavanja lakše realizacije nastave za studente koji pohađaju nastavu po principu „učenja na daljinu“, a u smislu povećavanja pristupačnosti ovog vida obrazovanja koji se realizira u Kantonu Sarajevo, studentima koji su strani državljanima, što je u skladu sa jednom od predviđenih mjera u programu Vlade pod nazivom: „Potpore internacionalizaciji UNSA kroz učešće u programima razmjena i osnivanje više studijskih programa na engleskom jeziku“;
- b) Potencijalnu strukturnu modifikaciju zakona koja je u skladu sa jednom od predviđenih mjera u programu Vlade pod nazivom; „razdvajanje Zakon o visokom obrazovanju i Zakon o UNSA donošenjem novog zakona o visokom obrazovanju i posebnog zakona o UNSA“.

### ODGOVOR:

Ministarstvo za obrazovanje, nauku i mlade Kantona Sarajevo cijeni opravdanim i podržava inicijativu za provođenje postupka izmjena i dopuna Zakona o visokom obrazovanju („Službene novine Kanton Sarajevo“ broj: 33/17).



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Međutim, Ministarstvo je stava da bi se na kvalitetnu realizaciju podnesene inicijative negativno mogla odraziti činjenica da predstoji period kolektivnih godišnjih odmora na licenciranim i akreditovanim visokoškolskim ustanovama na području Kantona Sarajevo. Period kolektivnih godišnjih odmora bi mogao ugroziti ostvarivanje sistematične i intenzivne saradnje sa subjektima koji su zainteresovani za donošenje Zakona o visokom obrazovanju, a prije svega sa visokoškolskim ustanovama. Nadalje, ova činjenica bi se negativno reflektovala i na mogućnost formiranja ekspertne komisije koja bi u naznačenom peirodu trebala da pripremi i izradi incijalni materijal odnosno Nacrt zakona o visokom obrazovanju.

Uvažavajući naglašeni društveni značaj ovog zakonskog propisa, Ministarstvo je stava bi provođenje aktivnosti u periodu godišnjih odmora moglo imati negativne implikacije na kvalitet istog.

Slijedom napriejd navedenog, informišemo Vas da će Ministarstvo za obrazovanje, nauku i mlade neposredno nakon okončanja perioda kolektivnih godišnjih odmora na visokoškolskim ustanovama pristupiti aktivnostima na izradi inoviranog Zakona o visokom obraozvanju, a u koji proces će biti uključeni predstavnici svih relevantnih institucija.

S poštovanjem,



**MINISTRICA**

*M. Mineta Bogunić*

**Dostaviti:**

- Naslovu,
- Stručna služba Vlade Kantona Sarajevo,
- a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

